

大嶽太
和山紀
畧



卷之五

歷代御製藝文

諭勅旨詔

書詩歌贊

碑

卷之六藝文

賦碑序跋

贊銘文

大嶽太和山紀畧卷之五

藝文

味太和大塊之文章所假也於天文得數之一於

上論地理冠嶽之五崆峒委宛而降黃帝神禹之藏

皇書杳矣而七十二家之玉冊金緘未及南鄉其

館渾淪磅礴鬱勃而發皇之者宜其積久而愈耀

也夫八卦至離為文明先天離東泰岱云亭封

禪屢告後天離南會稽衡麓漸關鴻苞太和雄

於南服雖欲不文得乎天道自北而南南之山

凡而多文者於此啟東壁西園之扁鑰矣紀藝
文

御製

諭

皇清

上諭山東泰安州香稅朕已降旨豁免近聞湖北太
和山凡遠近進香者亦有香稅一項小民虔謁神
明止應聽其自便不宜徵收香稅以滋擾累所有
太和山香稅着照泰安州之例永行豁免該督撫

卽飭令地方官實力奉行毋使奸胥土棍滋弊欽

此乾隆元年四月十三日

勅

明至親... 愈久建紫霄五龍南巖勅

勅右正一虛元子孫碧雲朕仰惟皇考太祖高皇帝
皇妣孝慈高皇后劬勞大恩如天如地惓惓夙夜欲
報未能惟奉天靖難之初北極真武元帝顯彰聖靈
始終佑助感應之妙難盡形容懷報之心孜孜未已
又以天下之大生齒之繁欲為祈福於天使得咸臻
康遂同樂太平朕聞武當紫霄宮五龍宮南崖宮道

場皆真武顯聖之靈境今欲重建以伸報本祈福之誠爾往審度其地相其廣狹定其規制悉以來聞朕將卜日營建其體朕至懷故勅永樂十年

勅木建遇真宮勅

勅右正一虛元子孫碧雲朕敬慕真仙張三丰老師道德崇高靈化元妙超越萬有冠絕古今願見之心愈久愈切遣使祇奉香書求之四方積有年歲迄今未至朕惟武當遇真實真仙張三丰老師修煉福地不可以不加敬今欲創建道場以伸景仰欽慕之誠

爾往審度其地相其廣狹定其規制悉以來聞朕將卜日營建爾宜深體朕懷致心盡力以成協相之功欽哉故勅永樂十年

會勅隆平侯張信駙馬都尉沐昕

今早命爾等啟行俄有風雲雷電自西南而至其勢不徐不疾顯是神明感應之嘉兆然神明之所感者其誠而已爾等宜體朕誠心益加敬謹竭力用工以答神貺不可有纖毫怠忽故勅永樂十年

在當勅官員軍民夫匠人等

武當天下名山是北極真武元天上帝修真得道顯化之處歷代都有宮觀元末被亂兵焚盡至我朝真武闡揚靈化陰佑國家福被生民十分顯應我自奉天靖難之初神明顯助威靈感應至多言說不盡那時已發誠心要就北京建立宮觀因爲內難未平未曾滿得我心願及卽位之初思想武當正是真武顯化去處卽欲興工創造緣軍民方得休息是以延緣到今起倩些軍民去那裏創建宮觀報答神惠上資薦揚皇考皇妣下爲天下生靈祈福用工夫不多至容易不難特命隆平侯張信駙馬都尉沐昕等把總提調管工官員人等務在撫卹軍民夫匠用工之時要愛惜他氣力體念他勤勞關與糧食休着他受饑寒有病着官醫用心調治不許生事擾害違了的都拏來重罪軍民夫匠人等都要聽約束不許奸懶若是肯齊心出氣力神明也護佑工程也易得完我這件事不是因人說了纔興工也不是因人說便住了工若自己從來無誠心雖有人勸着片瓦工夫也不去做若從來有誠心要做一年豎一根棟起一條梁

逐此積累也務要做了爾官員軍民人等好生遵守
早完成了回家休息故諭永樂十一年

勅正一嗣教真人張守清

武當天下名山真武成道靈應感化之地元末宮觀
悉燬於兵遂使羽人逸士修煉學道者無所依仰朕
積誠於中命勅建宮觀上以資薦皇考皇妣在天之
靈下爲天下生靈祈福俾雨暘時若災沴不生年穀
豐登家給人足今宮觀告成神明屢顯休應圓光煜
燿五色燦爛神像昭彰見於光內觀者數十萬人咸

加嘆異已賜名曰元天玉虛宮太元紫霄宮興聖五
龍宮大聖南巖宮然此名山勝境必得高人羽士以
住持看守大聖南巖宮已嘗令右正一孫碧雲爲住
持外其三處爾卽選有道行者各二人爲住持別選
至誠敬謹道士每處各五人看守如一時選不如數
隨爾所選得若干人就分派四處看守精進修行興
隆道教故勅永樂十一年

勅隆平侯張信駙馬都尉沐昕等

今正一嗣教真人張守清舉保道士分派各宮道官

任自垣道士邵慶芳爲元天玉虛宮提點高道周惟中兼提點林子良爲副官興聖五龍宮以李時中爲住持道士吳繼祖爲提點太元紫霄宮以李幽巖胡古崖爲提點大聖南崖宮已命右正一孫碧雲住持以王一中爲提點副之各處宮名只依此勅爲定報汝知之故勅永樂十一年

勅五龍宮全真道士李素希

昔者高真學道於武當名山折梅枝寄榔樹且祝曰道成此枝卽活花實而熟後果如其言自是以驗歲

之豐歉太平歲豐花實而繁歲歉花而不實今樹尚存問諸故老久無花實比者爾素希以實數百遣人來進誠爲罕得莫非爾以精誠所格祝釐國家故能感動高真降此嘉祥以兆豐穰也茲特遣道士萬道遠齋香詣高真道場焚炷以答神貺並以綵緞一表裏紵絲衣一襲鈔四十錠賜爾爾其恪盡乃心以祈茂祉故勅永樂十三年

勅五龍宮全真道士李素希

去歲高真効祥榔梅呈實已兆歲豐爾遣人來進今

歲復然誠爲難得稽之於古間或一見猶以爲奇遇
矧茲二年兩見其實皆由高真翊衛國家爾輩精意
祝釐所致茲特遣道士陳富齋香詣高真道場以答
神靈并以綵緞一表裏紵絲衣一襲鈔四十錠賜爾
宜益精勤以臻至道故勅永樂十四年

建紫雲亭勅

勅隆平侯張信駙馬都尉沐昕淨樂國之東有紫雲
亭乃元帝降生之福地勅至於舊址仍創紫雲亭務
要宏壯堅固以稱瞻仰其太子巖及太子坡二處各

要童身真像爾卽照依長短濶狹備悉畫圖進來故
勅永樂十七年

建紫金城勅

勅隆平侯張信駙馬都尉沐昕今大嶽太和山金頂
砌造四圍墻垣其山本身分毫不要修動其墻務隨
地勢高下不論丈尺但人過不去卽止務要堅固壯
實萬萬年與天地同其久遠故勅永樂二十一年

勅藩叅

勅湖廣布政司右叅議諸葛平朕創建大嶽太和山

宮觀上資薦揚皇考皇妣二聖在天之靈下爲四海蒼生祈迓福祉以敷利澤於無窮然工作浩繁皆天下軍民辛勤勞苦久而後成今工已告完特勅爾常用巡視遇宮觀有滲漏處隨卽修理溝渠道路有淤塞處卽便整治合用人工就於均州千戶所官軍撥用務使宮觀完美溝渠道路通利庶不隳廢前工以虔祀事於悠久如此則神明昭鑒使爾享無窮之福若玩法偷安致宮觀損塌溝渠淤塞則罰及爾身將不可悔故勅 永樂二十二年

勅內臣

勅諭尚膳監左監丞陳埜昔我皇會祖太宗文皇帝創建大嶽太和山宮觀虔奉祀事實欲福佑我國家及天下蒼生於無窮迨至皇祖仁宗昭皇帝皇考宣宗章皇帝臨御之日克紹先志特將均州一千戶所軍餘雜派征差及屯田子粒盡行優免但遇宮觀有滲漏損壞之處隨卽修理溝渠道路有淤塞不通之處隨卽整治俾宮觀永遠堅固完美茲特命爾前去與原差禮部員外郎吳禮一同提督凡有未修殿宇

房屋及衝塌橋梁道路就行修理已勅吳禮知之爾宜恪遵朕命恭勤趨事不許怠慢更不許在彼生事私役軍餘虐害下人以取罪愆故勅正統十年

勅存留金頂香錢

禮部爲遵勅諭請明旨以便祀神修理預備凶荒賑濟事奉旨是這香錢着存留本山備用修理賑濟禮部知道欽此嘉靖二十一年

重修太和山勅

勅原任工部右侍郎陸杰朕惟我成祖大建元帝太

和山福境安鎮華夏顯靈赫奕計今百數十年來宮觀祠宇等處不無損壞若不及時修理慮恐日就傾頽其何以棲真妥神祝釐保國已令湖廣撫按官勘視回奏茲據各官備將應合修理處所併估計工費等項前來今特命爾前去提督工程爾宜查照該部題奏事理會同撫按官將應修宮觀祠宇處所會勘明白即便興工修理合用物料於見頒去官銀及有司動支措辦聽用其一切應行事務爾等須酌議停當隨宜增損事完通將辦過工程用過物料銀兩數

目造冊奏繳朝廷以爾素有才望特茲簡任爾宜敬
謹從事體朕崇奉元聖至意不可纖毫怠忽務期工
作堅固壯實用副我皇祖功烈萬萬年同其久遠欽
哉故勅嘉靖三十一年

旨

明

下太和山道士

大嶽太和山各宮觀有修煉之士怡神保真抱一守
素外遠身形屏絕人事習靜之功頃刻無間一應往
來浮浪之人并不許生事喧聒擾其靜功妨其辨道
違者治以重罪有志誠之士慕攝元關思超化質實
心叅真悟道者不在禁例若道士有不務本教生事
害羣傷壞祖風者輕則卽時譴責逐出下山重則具

奏來聞治以重罪永樂十一年

心然其罪重者亦宜禁錮於此士庶亦宜本效忠事

聖者皆以重罪自法始之士庶亦宜本效忠事

聖者皆以重罪自法始之士庶亦宜本效忠事

聖者皆以重罪自法始之士庶亦宜本效忠事

聖者皆以重罪自法始之士庶亦宜本效忠事

聖者皆以重罪自法始之士庶亦宜本效忠事

聖者皆以重罪自法始之士庶亦宜本效忠事

聖者皆以重罪自法始之士庶亦宜本效忠事

賜張守清詔

元

賜張守清詔 賜張守清詔 賜張守清詔

朕嘉修真之流貴得道之士形神俱妙僻處山林精

氣純全能興雷雨信若人之高躅實斯世之罕聞欲

示褒揚其頌渙汗凝神靈妙保和法師武當山天乙

真慶萬壽宮住持宮事張守清為老子學奉元帝祠

登萬仞之層巔構千間之大廈功用雖成於使鬼行

能自足以服人龜蛇交媾以顯形虎狼隨奔而斂跡

素心既用元化彌彰爭稽首於講筵數十輩不及脅
於卧席三十年近臣有稱贊之言太后有徵求之命
屢逢亢旱方虞率土之災申禱上元並獲甘霖之喜
功已沾於庶物身宜佩於殊榮嘉賁冠簪增耀巖壑
於戲鎮安侯服真慶爲南紀之靈祠輔翼邦家元武
主北方之王氣惟竭心誠而致禱庶幾福祿之永崇
欽哉惟時服我明訓可賜體元妙應太和真人宜令
張守清准此 延祐元年
明

賜太和道士邱元清詔

祀神之道大所以古人於此虔恭寅畏特專職以典
掌之使壇場淨牲牢潔不敢有怠今之設官與漢唐
同官職太常所供之事夙夜在公欲周旋於上下神
祇之左右必欲使神歆悅福及將來國之祀至尊者
惟天地是也可不慎選其人而責任之爾邱元清昔
本黃冠處心清淨故命爾爲嘉議大夫太常寺卿爾
其懋哉 洪武十八年

英宗賜張三丰詔

朕惟仙風道骨得天地之真元秘典靈文奪陰陽之
正氣顧長生久視之術成超凡入聖之功曠世一逢
奇蹤罕見爾真仙張三丰芳質穎異雅致孤高存想
專精煉修堅定得仙籙之真訣餌金鼎之靈膏是以
名隸丹臺神遊元圃去來倏忽豈但煙霞之棲隱顯
渺茫實同造物之妙茲特贈爾爲通微顯化真人賜
之誥命以示褒崇於戲蛻形不老永爲物外之逍遙
抱道絕倫益動寰中之景慕尚期指要式惠來英

書

明

成祖賜張三丰書

皇帝敬奉書真仙張三丰先生足下朕久仰真仙渴
思親承儀範常遣使致香奉書遍詣名山虔請真仙
道德崇高超乎萬有體合自然神妙莫測朕才質疎
庸德行菲薄而至誠願見之心夙夜不忘敬再遣使
謹致香奉書虔請拱候雲車風駕惠然賁臨以副朕
拳拳仰慕之懷敬奉書

之來兮風冷冷駕飛龍兮驅流星飄翠蓋兮翳霓旌
八鸞九鳳先後迎倏而來兮忽而升劍光吐納陰陽
精焱爲電兮擊爲霆陶鑄萬彙無留停祥風甘雨宣
和平高宜黍兮下宜秬祛妖蕩札民物亨清醑進兮
肴核馨報萬祀兮懋言誠太古真王古心誠能前乘
夫天賜虛元子孫碧雲太古實公太古妙妙盡土軒

太和山高九千仞幽人學道巢其巔雲邊一卧知幾
年懸巖鐵鎖常攀緣世間萬物無所累饑食瓊芝渴
乳泉鍊就還丹握化權三關透徹元中元高奔日月
叫紫煙絳宮瑤闕長周旋五華靈芽植丹田明珠一
點方寸圓左挹神宮右白丸夜間明堂相與言窈冥
恍惚合自然飄飄直上大羅天時人欲見不可得三
峯下俯飛鴻翼丹邱羽人常往還紅巖赤松舊相識
只今邂逅忘心期青瞳綠髮烟霞姿福地洞天遊欲
遍逍遙上下駢虬螭若遇真仙張有道爲言佇埃長
相思

思

歌

明

仁宗蟾宇歌

太初灑灑氣窈冥混沌肇判分清寧輕清懸像濁成
 形二儀乾坤萬彙生孰網維是道乃經二五之精妙
 合凝參為三才人至靈箇中孰能尤粹精瀟然物外
 離塵櫻若人賦稟淑且清早歲學道栖巖坳葆和修
 真久乃成虛室生白斯其徵皓如蟾魄涵晶明放之
 六合彌光瑩歛之方寸何虧盈抗志雲霞豈慕名和

光時俗匪耽榮道積厥躬聲乃宏奉祀大嶽昭虔誠
祝釐祚國名嘉禎景星煌煌泰階平醴泉泠泠甘露
馨有時飛鳥來瑤京校瞻元文司權衡淋漓金璫昭
日星獻納承恩道譽增元門光顯揚休聲願言功行
如月恒竚看躡雲登蓬瀛

贊

宋

萬物之祖盛德可委精貫元天靈光有煒興益之宗
保合大同香火瞻敬五福攸從 嘉祐元年

明

玄元一炁歷化無形助昭北極炁貫太陰經呈秘奧
註洩天文虔誠禮誦福壽增榮邦家永鎮海宇昇平
福神默相佑我大明 萬曆 年

御軒懸時武姓大民萬萬一平

結與天文致地靈前誠壽會榮快家亦難瑞字長平

吉示一悉無少難派頓部北西西貫太割臨呈錄典

四

聖命之靈

靈氣之靈

宋

贊

碑

明

大嶽太和山道宮碑記

蓋聞大而無跡之謂聖妙不可測之謂神是故行乎
天地統乎陰陽出入無恍惚翕張駢日馭月鼓風
駕霆倏而為雨忽而為雲禦災捍患驅沴致祥調運
四時橐籥萬彙陶鑄羣品以成化工者若北極元天
上帝真武之神是已按道書神本先天始炁五靈元
老太陰天乙之化生而神靈聰以知遠明以察微潛

心念道志契太虛乃入武當山修真內鍊心一志凝
遂感上清元君授以無極上道功滿道備乘龍天飛
歸根復位顯名億劫與天地悠久日月齊並武當舊
名太和謂非元武不足以當之故名曰武當蟠踞八
百餘里高列七十二峯三十六巖之奇峭二十四澗
之幽邃峰之最高曰天柱境之最盛曰紫霄南巖上
出遊氛下臨絕壑跨洞天之清虛凌福地之深窅紫
霄南巖皆有宮又自南巖北下三十里有五龍宮又
四十里抵山趾有真慶宮俱爲祀神祝釐之所元末
悉毀於兵燹荆榛瓦礫廢而不舉天啟我國家隆盛
之基朕皇考太祖高皇帝以一旅定天下神陰翊顯
佑靈明赫奕肆朕起義兵靖內難神輔相左右風行
霆擊其蹟甚著暨卽位之初茂錫景貺益加炫耀至
若擗梅再實歲功屢成嘉生駢臻灼有異徵夙夜祇
念罔以報神之休仰惟皇考皇妣劬勞恩深昊天罔
極亦罔以盡其報惟武當神之攸棲肅命臣工卽五
龍之東數十里得勝地焉刱建元天玉虛宮於紫霄
南巖五龍刱建太元紫霄宮大聖南巖宮與聖五龍

宮又卽天柱之頂冶銅爲殿飾以黃金範神之像享
祀無極神宮仙館煥然維新經營之始至於告成之
日神屢顯像祥光燭霄山峯騰輝草木增色靈氛聚
散變化萬狀衆目咸覩跽拜喑喑榭梅垂實加前數
倍九地啟秘金杵躍出陰陽儲精元質流潤靈異紛
紜莫能殫紀神之響應有如此者遂命道士爲提點
主管各宮飭嚴祀事昭答神貺主以資薦揚皇考太
祖高皇帝皇妣孝慈高皇后在天之靈下以爲天下
臣庶祈迓繁祉雖然神之浮遊混茫變化無方此感
彼應無往不然非此無以達朕之誠系天下虔敬之
心也又況山川冲和之氣融結於斯與神相爲表裏
神之陟降往來飄飄揮霍顧瞻舊遊豈不徘徊於斯
者乎是則宮觀之建有不可無謹爲文刻石山中以
彰神功永永無窮焉

永樂十六年

憲宗奉安紫霄宮神像碑記

朕聞自開天以來卽有此山自元始以來卽有此神
神乃北極元天上帝真武是也山乃大嶽太和是也
神非茲山無以爲棲真之所山非此神無以侈靈勝

之名是故歷代構造殿宇欽崇之不衰我太祖高皇帝平定海宇惟神默相靈明赫奕嘗於南京建廟奉祀之矣太宗文皇帝肅清內難惟神陰佑厥蹟誕著特於此山大造宮祠又於北京復建行宮奉祀之矣英考睿皇帝光復大位惟神屢現奇應亦旣命官函香奠幣致敬尤篤朕繼紹大統十有五年仰思先志敢不祇承矧國家乂安四裔懷服無爲之治於斯爲盛豈不賴於神之翊贊而能爾耶昭答之典在所必行肆命工爲像往安於太元紫霄宮聖像一從官像

四皆範銅爲之而鍍以金水火神二亦銅體金飾而各類其像供器香爐瓶盂鐘磬總十一事旣堅旣完載鮮載潔特遣太監陳嘉送詣宮所奉安永享四方之香火永壯世人之觀瞻夫神分身降世變化無窮恍惚翕張出無入有禦災捍患濟物度人數出禎祥祚我家國繼自今願丕揚神道幹運化機俾上而聖母福壽無窮於以昭朕之孝下而儲嗣繁衍未艾於以昭朕之仁宮闈清吉於以昭朕內治之嚴臣僚效忠於以昭朕使臣之禮黔黎於變於以昭朕之化四

裔來王於以昭朕之威以迄四時行百穀登羣生遂
化工成庶乎神有感必應而朕虔恭之誠亦不虛矣
雖然朕之所望庇於神者豈止一時如是而已哉謹
爲文刻碑以彰神功於不朽云碑置於殿前山而望
憲宗奉安太和宮神像碑記
宮在均州南百二十里太和山天柱峯之上乃我皇
高祖太宗文皇帝勅建以奉北極元天上帝真武之
神之所也神向於此修真得道神功威烈最爲顯著
以故歷世往往建祠崇奉之不替方我文祖肅清內
難之初神每陰護顯相用寧邦家是以文皇感焉乃
卽神肇蹟之地宏構宮殿以爲崇奉之所又於絕頂
冶銅爲殿飾以黃金其崇奉之典萬古未有也旣朕
嗣統君臨億兆十年於茲固由我祖宗德澤流行皇
考聖母教育所致然亦豈有不陰賴於神靈之贊祐
歟茲欽昭答神貺無以表誠乃命工範金爲像二堂
安於大嶽太和宮者真武聖像一從宮像四皆銀爲
之而飾以金神帥十皆銅爲之而鍍以金又爲飾金
雕鏤重簷小殿覆焉安於元天玉虛宮者真武聖像

一從官像四皆銅爲而金鍍之俱琢白石爲之座焉
二堂水火以銀以銅各從其像硃漆梓金供棹各一
其供器銀鍍金者十有四銅鍍金者二十有二總二
十八事銅提爐二石磬二銅鐘一綺羅銷金旛幢傘
並雜色旛總百十有八特遣中官太監陳嘉廖恭韋
輝劉斌右少監李本奉御監富 送詣宮所設齊奉

安永爲瞻仰惟神陟降往來益著靈貺儲祥賜福佑
我國家俾朕上奉慈闈萬年下延嗣胤千億內而宮
壺協吉外而邦國平寧近而黎庶乂安遠而蠻貊賓

服凡厥有生無不咸遂庶有以副朕崇奉之誠見神
響應之妙也因紀以文同垂於久遠云

朕惟大嶽太和山乃北極元天上帝修真顯化成道
之所帝以天一之精降靈人世感召天神授無極上
道丹成上昇歸司本位瓊臺受冊功德巍巍莫可殫
述歷代崇封罔不祀事肆我成祖文皇帝惟帝陰翊
皇度赫有顯徵特勅隆平侯張信駙馬都尉沐昕等
率領官員軍夫人匠二十餘萬建宮觀凡三十三處

天柱峯冶銅爲殿黃金飾之範金爲像置設精嚴落成勅名爲大嶽太和山其地之形勝與神之靈蹟宮宇之宏壯載於成祖御製碑文朕皇考封藩郢邸實當太和靈脉蜿蜒之勝歲時崇祀惟謹肆朕入承太統以來仰荷垂佑洊錫庥祥祇念帝功報稱莫罄深慮歲久宮殿圯壞宜加修飾爰發內帑申命部臣往督其役以嘉靖壬子年六月肇工凡宮殿門廡齋堂藉以妥靈而供祀者悉鼎新之仍揭以坊額曰治世元嶽經營之始卽蒙真光顯現瑞氣氤氳變化不一豈帝昭靈貺以嘉答寸誠故所應若斯之偉異歟大工告成部臣具奏請朕文勒碑用垂永久惟書有之類於上帝禋於六宗望於山川徧於羣神故嶽鎮海瀆在祀典有常秩奉妥有常享惟此大嶽特超中土峯嶺峻拔亘天關而盤地維信爲仙聖所都而帝護國翊運威靈顯彰致我祖宗丕建大業旣而定都幽燕位應元冥是以廓清華夏惟神陰助風行霆擊天戈所臨無往弗靖二百年來民安國阜媿隆三王雖或一二氣數不齊邊疆小警旋而殄滅至如庚戌內

生大奸旋用褫極豈尋常山川之神能出雲雨捍災
患一節之功所可並者歟此神宗之修嚴不可少懈
也書曰鬼神無恒享享於克誠朕仰法祖宗祇若明
祀神之佑之庶其益加隆盛薰蒸和氣覆育羣生宗
社靈長山河鞏固則神其職亦無嘉靖惟朕躬亦荷無
疆惟慶矣是用勒文於碑與天地而同其悠久云

三十二年

嘉靖二十二年
大嶽太和山紀畧卷之六
表而身肅木實微亦跡
豈帝

大嶽太和山紀畧卷之六

文類

賦

明

太和山賦

楊 琚 參議

惟大嶽之爲山兮形肇奠於鴻荒迺渾淪而磅礴兮
鍾秀氣於元黃顧發源於幡冢兮擁翠浪於武當肆
連峯而接岫兮復積嶺而重岡峙漢水之南隅兮跨
均房之兩疆控翼軫之分野兮應列宿於上蒼羗迴

旋乎地軸兮扼天關於古襄衍脈絡於荆山兮析支
派於內方七十有二峯根盤八百里崔嵬嶺岼峿
巖施嶽巖如對森列如竢若迴而馳以行而止若豁
而訝以立而跂或俯焉而復昂或仰焉而崛起或蜿
蜒兮如龍如蛇或蹲踞兮如虎如兕或尖銳兮如筆
如鋒或正直兮如屏如几若乃三十六巖之幽虛二
十四澗之迤邐五臺五井之悠悠三潭二泉之瀾瀾
厥石則有金星銀星厥產則有地髓石髓堯韭禹糧
雜沓而並美秦檜漢栢偃蹇而長清木實則有椈楸

棠檟槲櫟椈栲栳樣楸櫻野藪則有菌蕈筍蒞薯菜
蕨葵蘊菽蒟菁以至迷窮草交讓木靈囂杖石磴心
榭梅赭舛年乳騫英天花雲林芳芷薇蘅枝柑房李
鄧橘襄橙無物不有雖茅亦馨萬年松千歲艾九仙
子天南星白何首烏紫花地丁苦參百合甘菊黃精
采之可以療諸疾服之可以制頽齡又有石如火焰
之紅樹如龍爪之倪飛泉滴溜漱乎瓊瑤松風響籟
鳴於遠邇四季常見靈鴉雙雙繞林垆五更或聞天
雞喔喔號雲岫白鷗錦雉同飲啄夫巖頭神虎仙麋

迭巡行乎山趾紫芝瑞世百千其名珍禽怪獸不可
殫紀又如龍宮雷洞深宵虛明風穴星牖沉寥呀哆
表以禹跡步雲之橋帶以太乙天池之水日出則嵐
飛靄收蒼翠滿前月明則鶴唳猿號清幽無比兼有
洞天福地之靚深孰謂蓬萊方丈之不在是也有若
大頂之峰端然正位處乎其中吾不知其幾千萬仞
但見形成峻極與天而爲柱氣象巍峩拔地而撐空
其高無並其旁靡從匪衡匪岱匪華匪嵩旣非醫閭
之可擬亦非恒霍之可同前有五老後有五龍右有
摺笏九卿左有手扒三公東有始老展旗九渡金鎖
西有隱仙壘字千丈雞籠北有皇崖顯定貪狼獅子
南有仙人隱士伏魔降龍又有聚雲香爐大名蠟燭
大蓮小蓮文曲武曲天馬玉筍之重重丹竈竈門之
轟轟千巒萬嶂各獻幽奇四面羣峯互相倚伏乃獨
孕秀居奠盱眙駭目上接青雲下臨深谷其視衆山
之周迢迴繞拱向環簇有如王者之臨諸侯大宗之
俯族屬是乃五岳之長兄四鎮之伯叔遠若蒼梧之
九嶷巫山十二峯並呼爲其家督遠則赤龍寶砲橫

黃方界皆目爲其幹僕此我皇明所以表章謂之大
嶽太和而成五爲六也耶是宜玉台高壘石檻玲瓏
闢以門闕繚以垣墉金殿之據乎其巔煥棟宇之穹
隆天帝之宅乎其內躡龜蛇之元蹤捧劍兮玉女執
旗兮青童侍從兮靈官導引兮先鋒照日月兮層構
映上下兮天宮耀金光兮燦爛洞遐矚兮昭融飛復
檻兮霄際縹雲靈兮瞳矐信真武兮所棲豈塵俗兮
可容外有天門三重雲梯萬級自卑視高曼延壁立
挂懸空之霽虹逼霄漢於咫尺歷參井之鉤連詎跬
步之可卽躋欲半而悸驚憑危欄而上陟慨登望之
多艱夢徒兆於生翼及夫天門之外則隨山通道跨
澗架圮剪除榛莽辨域定規或聳琳宮而開寶殿或
興古廟而建神祠或蔽珠龕於巖畔或剏挂觀於山
陴築石室以藏僊服裁彩亭以貯御碑彌東南而亘
西北彷彿閭闔而廣焚楫雕墻橫截乎山谷仙廬盤鬱
乎坤維熾丹雘於林杪鳴鐘鼓於屈屨境之最勝者
無如紫霄宮之至高者莫踰天柱南巖五龍兮幽雅
瑰奇玉虛淨樂兮輪奐規矩清微真慶兮非不霄崢

遇真朝天今俱號紫府似此宮觀今三十六所其餘
庭院今更僕莫數丹房石室今雖寒不寒雪窩涼亭
今當暑不暑甚至萬松一泓各有軒亭鉢堂方丈亦
爲峻宇隘四衝而騰八達張千門而啟萬戶宗大岳
而朝元穹翼太和而壯今古人皆疑其天造而地設
或出於幽贊而陰輔不然何以楹柱林林梁棟楚楚
而有此廓度宏模福地元圃壯神仙之窟宅聳人世
之瞻睹吾想夫永樂之初內難旣彞四海寧謐民物
熙熙是以奉委之臣以謂聖君有作我儀圖之敢不

盡瘁忘疲董督指揮朝斯而夕斯由是智者售技而
無所隱壯者効力而不敢欺雖山林谿谷亦不受其
材孰謂我朝長府之積皆在所供億而其用不貲又
况工咸異履匠賽輸僇萬指揮斤而呵氣爲霧六軍
荷鍤而瞬息爲墀庶民子來若有神司經之營之倏
爾成之於以答景貺而廣孝思於以奉明祀而祝丕
釐神必徘徊容與於茲康濟邦國福祉黔黎以陰佑
我皇上聖子神孫集慶禧而撫有太平萬萬載洪基
賦已復撮其要爲頌辭曰倬矣大岳摩青蒼兮背漢

面漳鎮一方今奕奕宮殿闐山岡今天帝蒞止周相
 祥兮氛沴斯靖時雨暘兮慶作靈長神化彰兮我皇
 崇祀佑八荒兮玉質金相照寵光兮四裔來王休徵
 祥兮海宇又安垂衣裳兮本支繩蟄世萬其昌兮俾
 臣之後嗣亦如諸峯之拱嶽永篤為忠良兮

大嶽太和山賦

王世貞 吳郡人

御史

太和山者蓋中州之脊而上帝之靈腑也其始不甚
 顯一曰武當山又曰參上山又曰仙室山晉咸和中

歷陽謝允棄羅令遁茲山遂名之曰謝羅山見酈氏
 水經註及荊州圖副記蓋是時絕頂峻不治不得上
 諸所棲息者山之陞以故靡由稱云至宋而謂元武
 神實主之又避其諱改元武曰真武而宮室由創矣
 元始加帝號至明太宗文皇帝尊之曰大嶽世宗朝
 復尊之曰元嶽而五嶽左次矣歲旃蒙之大淵獻春
 二月吳人王世貞鎮撫之間一登謁焉感其峯嶺宮
 闕之盛與其事而為之賦昔在帝太始氏制陰陽剖
 澄凝掌別五嶽以授七十二聖昉岱首而亘金天焜

煌黼芾以躋九命乃眷西顧有亭亭類博山者出焉
下盤隙而踰廣運銳直割乎齡昇之關塘嵒橫揭壽
冑哮豁其西北引庸啓絡終華而首飲乎中原爲嶽
若八九者吞焉帥其支峰以媚帝閭恫帝之不登敢
以測霄之圭與亥步其四藩不然請外託而季從乎
崑崙惟帝曰咈夫契有因而顯有辰時不取遽主必
擇真是故天水氏之奄宅也爲寓公若亡若存以埃
元冥之時巡胡祠蹕林諱其金人水德用彰瑤宇若
嶙我文皇篤志鴻緒四面內蹂獨奮神武亦駕天授

况靈威之輻轄披髮立而三光部揭燕彈之百一俄
宇割其十九嗟九靈之革變黯二儀其霧零聆火鈴
之豁落駭烏旂之斂斂咄元緒與率然亦糾紛其來
從旣闡教於神道揭疑功乎惟重苟神貺之昭答何
恫乎民力之侈用於是太史覘土奉常告時五鳩鳩
民將作庀材左駙馬而右中涓六傳騷以趨催襄鄧
宛洛之民蹄擊轂逐楚訾蠡午以逆上隴木駢闐而
順來于于禺禺千喝萬隨陸歎激湍冬謹聚雷乃使
倭輸窮巧獲賁旣力分模紫宮取則宸極又似踔翼

乎九閭歷清微而叩大赤命崑陬而佐之俾象鏘鏘
之積石恍若入於函谷歷落乎離宮之四百淨樂依
稀乎東朝玉虛彷彿乎未央紫霄桀鷲乎甘泉南岩
差池乎阿房五龍窈窕乎馭娑迎恩雖餘乎鼓簧太
和密邇乎紫微遇真遙接乎建章觀則復真胚胎仁
威攝降元和遷校之府龍泉烝鍊之場莫不堞嶺隍
壑冠峰帶岡分背寒暑別成陰陽潺湲瓊澀網縕象
卽裏鬱律而逕庭表蹇產而直當彩栴扚捩以戢香
文椀鞞鞞而縱橫晨星熒皇乎壁鏡雌蜺天嶠平茹
梁乃復發重鑑氏之所藏使和氏選而攻之玫瑰枝
斯璀璨玕琪像帝之真理別鬚眉瓌璋璣瑳鑿瑪珪
珽琢爲宸座躡踞虬螭乃籍凜鄧付區嵇合鉞釵鼓
媵鑪椎細則禹鼎之頽曆鉅則秦廷之欺僂鋸牙鑿
齒燕頤鮑翼之類足方良手虻魃晚蜂眸而欲搏麥
血吻以將噬感豐融之盼嚮意娖嫫而求退葯房寥
竊攞榻膚緻崔蓋琴麗鸞吹流利餒鬯餘之泔淡眠
歸雲之憲霽此其陶然樂而跳塵世者也彛夔方軌
馳道如砥總柏周絡金椎隱趾綿蠻格磔媚不絕耳

歲蕊靖舊當眸而束泮乎其殊可喜也紛彼靈囿前
奏鈞天忽斷忽續從颺曼延乍顯乍習與雲流連霓
乎虹旂眇若騰騫快然精氣溢而欲仙也俄而况兮
使我恫兮躡列苑穿龕中下陷窞而嚙趾兮上蟲罪
而盪胸俯窞窞其徑庭兮仰又棧齧而不可窮前呼
要眇幾若絲兮應礮枳而類處瓠輕陰釀而裾涅兮
蒼翠撲而睫覩忽徑絕於阨堵兮使人魂盡而精降
頽砭衡截屹嶮疇援足不謀目索息股弁五步一止
左袒呈胼天門杳靄若啓尺綫破靛黠穿軋芴兆庶
罷毀爭先跋躡魚貫蹠斂猱牽榻楡肱嶮臂隴肝胡
膽越魍瑕二董之俊錯以敦讐駘跣爰有姬姜貴秘
陽蔡姝絕螻蛾趾牙要紹媿屢綦履不任芬澤微發
莫不羽鬣犀紕露紆練恰澀喜殿屎嬰跚勃宰擊銀
璫以稍振扣陰牡而嗚咽哀囂徹空宛潮音之迤邐
悲涕懸河儼秋霖之汨活銅虬左啟羊角瞥至拔圻
坤兩踰欲巽二游蓋飄飄其纖翮幾欲擲乎荒之裔
黃冠所廬可以假憇層樓帖石周閣無地挈莖葩襍
捷獵鱗次密叢兮寒房之聚峰獺椽兮春潮之歸蠟

神搖搖而時寃心栗栗其如鶩於是黜聰明顯精神
薊沐滌躬清齋盟心窮太和之睽眾遂底乎天柱之
岑觀重藥之宛曲與綺寮之麗淫列將吏之蘭綺若
觥瓚之崇森悉都官之赤仄塗以裏蹄之上金芒穎
注射睛不停眴赫烜灼爍煌燁燁炫芬塏蓬勃忽似
處乎涇濛潤衣裾而不牝哀音麇至幾若閔乎邯鄲
卷屋瓦其如霰度羣喧之屏寂兮始騁望以逍遙竊
忻夫塵世之判閔兮察天人之所交玉女啓壺而一
粲兮電碣磕橫亘乎岩腰霆霓驚乎百里兮雙禮珠

微撥乎銀璇夜澄澄其湛露兮冷然若初滴於絳杓
白榆懸曉於楹表兮幾欲奮翮而求巢雙丸搏娛於
早晚兮屏翳卑處而不得媯儼帝聰之呼吸兮杳旭
卉其莫昭於是俯踞三垂流覽大荒寄寓一瞬投心
渺茫或翔陽弄晴瀲灩冲融煜乎若五金之在鎔喬
雲呈姿異態同輝皚乎若瑤臺之刊爨白不封尖峭
碧摩天晃乎若藜鏃之辭弦晦明參差旁午紛拏沓
乎若銀海之盪層波時隱時現襄江一線或滅或浮
夢澤一杯遠則仙掌巨靈之巖巖峨嶂五丁之斤鑿

丈人偃蹇乎青城華存徜徉乎衡嶽太室少室之巖
裏中條終南之崖崑陰脉潛通外勢包絡雖未甘乎
臣僕感時趨之曦爍邇則香爐凝靄玉燭華峙九卿
棘列三公槐植七星斗矗五老掌馭中笏上朝玉筍
排次淋瀝雙筆飛翰墨字紫蓋飄颺眉稜鎖翠天馬
翽而騰上靈狡鬣鬣而斜晚蓮峯大小以掩帶陽
雀鳴和而鼓翅春淡冶其微莞夏沈穠其幾醉秋淨
皎其初沐冬慘淡其若睡雖摧甚乎麗億靡不環拱
極而思媚獨房陵之一岳乃嶮刺崆峒乎境外鴻煊

曠之獨逮托平巘其少息聊賈壯以賈勝信足境之
纂厯俯巨壑乎萬尋白日晷而蒸雲圍苟獍豸其稍
邇蹀躞盍余焉恤阨辟嶂嶺巖崩醜若島閭雄
若贖篆似乍伏而俄奮挺牙距而膚擊復有千章叢
挺黝靄阜瓏萬古不死輪困擁腫其爲蘓末之所鼓
卉欵瀏蒞增竑洶湧根槩削而弗莫類蛇跼之鱗起
卽日監腦而蠕動僚兮栗悚兮恐慄乎其惕而左顧
余踵也爾其清泚徐傾蕭瑟泓渟澗暎不涓觸石自
聲溶溶汨汨鏦鏦錚錚乍徵而商絲肉雖鳴芙蓉倒

插散鬢微升神漢湧璣金沙流螢枕聽酌歌九咽爲
澄其澗則青羊玉局仙龜元鎮梅溪勝越桃源比晉
靡不插壁流霞飛梁吐蜃其橋則仙源仙都遇真會
真天矯梯雲遥裔天津靡不長虹飲渚圓月麗旻盤
陀之石橋叟所奕削脯角飛盤拏現跡瓊台迴顛帝
所授冊封泥散紫餘檢成璧宛委探書浮提副墨玉
牒金題靈符秘策太乙天乙日浴月澤燭龍布涎神
漢流液丹砂九轉白茅三脊璘彬雲母以資服食木
則杉檜樅栲松梓櫟栢椈楸柴檣棉機楨櫨交讓成
蔭靈壽支策稍無礙漢根不避石恣傲四侯罍闔千
昔結爲碩果鱗殷酷餒襄橙鄧橘張梨房李含桃女
脣火棗仙餌飮座襲日咀瀋溢齒糊梅標瑞而蟄舌
石蜜借浸以爲醑冰芽之薺產自騫林顧渚慙芬鳩
阮遜甘蟬翼霏甌雀舌沸鬻篠蕩菱葑編町繡邱霰
霖初滋潛萌未苗穀玉含腴衣以金苞濯江漢暴秋
陽撼紫泥籍朱筐八足騰傳披星犯霜九重涓期以
奏新六宮舌羨而不敢嘗乃有庶纖土德所芻千年
之艾松齡十之荃蒨藟茵苦菓卷施晻菱必第入鼻

薰禱天黃秋發映山春滋百里障錦又若紫繩一醉
枕籍若馮彛施忽有哇妖因風徐來睨眈和囉含糊
蟬啾嚶嚶關關媵媵靡靡覩黃口之蟻蠓疑天樂而
復非意調昶而甫紆喟駛景之難隸覬扶羸之妙藥
指長鑱而思采亦何勞訪乎亶州茲實仙都之陸海
固炎帝之所馭嘗而隸首之所不盡解者也不覩夫
萋繞勝舄白蘚紫扶甘根邛距茵陳茈胡南星水玉
符離利如香蔣篇畜重樓藜蘆益母挺生防已夜呼
葦葦天麻蒼鬱地榆皆能撐距二豎擗瘧羣魑百勞
頽其禁圍五官之所儲胥又若三暴之煉雞格九節
之辨菖陽紫莖之貴牛膝元參之字鹿腸枸杞夸仙
人之杖麥門表禹餘之糧豺漆供而濕消玉延食以
生昉淫羊之藿靈脾別呼交藤布根何首不烏是皆
皇仁所寄祇不愛輸澤瘁實空動與益俱肉翮頃以
鷓鴣朱顏靄其茁菴忽倏然而穢世撫萬期之須臾
遂誦茂陵之言曰唉得從安期生遊轡萬乘若敝屣
何況妻子哉乃集三管之所述相與考諸真之由起
或誦周季二尹軌喜是爲彘弟厥號文始或歧兩生

明長禪美受度勃遂厥有棲趾夫文始青牛挽函谷
太上玉局顯魚鳧馬明吸羽騰華陰陰長蛻骨遺丰
都第彼顯則此隱豈後核而昔誣意者馬生遺帽仲
微曳裾辭令道通納節易夫田寒暑其一蓑房旦夕
而長鬚庶幾其猶可指跡歟粵元元之黠秘實上真
之蠹良功留跡隱用彰體藏暫閃屍而可卽忽希夷
其難方倣使夫人主常伯若虞初之小吏駢驄衣黃
者二十餘霜卒莫得其要領徒文繡乎土木而宮室
乎陵岡於乎皇哉明哉明哉皇哉亂曰因天成人合
乃神兮虛有實無衆則愚兮靈寵光豔趣則驗兮岑
牢往祀嚇來世兮當心者真豈必書兮彼美泯泯永
無錫兮

太和山賦

馬一龍

國子監司

業

予昔丁卯之疾禱元帝而承天休乃今庚午之歲謁
太和以答神貺大哉巍乎天地中有是山故造化中
有是神也神顯駿功世享崇祀予謬司東壁之府可
無汗青之書耶爰作賦鏤諸石云儵忽鑿渾敦之竅

廣莫分翼軫之圻惟一元旋璣在子乃萬物化源所
滋天載元默地開靈竒常陽擴其無際積塊累於纖
塵崑崙定樞以突兀太和分脉而嶙峋龍漢切象帝
之先兮守孩中而自老紫墟煉淨樂之國兮出大帝
以爲神奠位參兩儀總章聯五岳破元氣之細氲啟
撐黎而結幕含元黃之孕精傑巨麗以庠廓膺撫三
關蚤帶百粵涪湛漢沔之縈迴燥潤梁洋之灼灼媪
軸炳靈璿衡探律抗勢遽廬標影鰲極張堪輿之形
勝崇法象於天則亘地八百里環峰七十二峯堯上
羅穹嶺岈擁縹翠列離宮之譜則太龢紫霄南巖貞
度五龍玉虛清微樂土遇真朝天左右紫府計羽衣
之塵則太元威烈元和八仙修真復真迴龍龍泉仁
威真武元圃後先樓觀崢嶸壇墀盤旋三十六岩之
窅窳二十四澗之委蛇井台窅窳而杓掛泉潭冥潛
以蒙漪玉梁爲虹鯨吸湟波素瀨卷雪人鑑冰池若
試心試劍之永肩金星銀星而兩曜尹仙石棋惟石
之肖肺腑收春於榭梅雷神表步於天一白龍增應
谷之靈桃源括避秦之逸濯土之毛彙將不億姑舉

其一二者堯韭禹糧秦檜漢栢房李枝柑襄橙鄧橘
菌萸蓼芷蘊菽蒟菁棠橘匠具莠菲綴馨蒲柳之質
無不含英苦窳之器亦皆萃精年遐松艾之資品列
甘黃之上雖混所生匪同色相又其飛走昆介爲物
且饒文具華虫鷄鷄寒號雋周之鳩意而以鳩於菟
澤霧今蔚變而驕跋胡明眎今窟營其狡種別類差
不可殫紀乃惟地靈所鍾斯則傑人萃止事載方冊
聲在人耳喜棲石壁者軌度天樞練中飛鳥者解組
遁居戴孟落帽馬明架廬勅遇姚簡龍笑墮希夷驢
雲潘房長鬚之杉丹入田箬衣之鑪真常觀妙洞雲
祖年青陽全式德邁風仙連雲孤碧駢古松泉明道
明祐善澄善淵駕風鞭霆尸解蟬蛻究水華之靈奧
洞陽精之神秘披寶斂青服食方劑黃庭見童元霜
度世尋穴天之寶衢琴海嶼之雲術神欲守而鶉居
體將伸而蠖屈邇本元真開山啟兆簡奉元君以悟
真鍼磨神姥而契道誓寄樹兮一念通靈命懸崖兮
五龍夾抱功成六七之年道顯億萬之劫玉帛冠裳
方來宸翼罔兩妖魔潛形遁跡神功宥密兮作配泰

元佑我皇祖兮聲猷赫宣鄱陽彌難兮燕國揚旌外
戟內靖兮乾清坤寧遭際帝王之繼聖宰制山川之
百神豈非水土中陰陽萃日月交龍虎配躍䟽柱之
汨越肅坻鄂之鏗鏘瞻鉅鎮之穹崇繕綺構而高驤
者乎噫吁歎大哉巍乎天下無以尚之光采陸離揮
霍爛熳入以天門之三壘懸以雲梯之萬級井蛙管
窺兮中天半壁木希踈進兮跬步莫蓬豁然展士衡
之翅兮飄然御列子之風闖烟嵐之磊珂兮越日領
之龍從仰視參井兮頰厯霽虹晷宸光之熙逗兮還
龍見而雲從欽頤彛鼎遍禮琳宮擷珊瑚於脰鳥遙
異履於睽功探黍珠於月偃兮拔泰阿於雷豐誦綸
音之煥發兮求螭章於蔓揭薄仙廬之屢屨兮訪遺
書於石室誕真誥之瑤函兮遡仙宗於玉牒時乃飛
花舞筵高鳥在空嗽天溟之芳澗聆滴露之驚淙汲
沆瀣之液漑華渚之躬禋身紫翠之上掩袂天柱之
峯雲霞繚繞巒岫幘幘前挹五老後係三公右遜九
宰左挽七雄東搴太始而展旗九度之金鎖西望隱
仙而壘字千丈之雞籠皇厓顯定之家皆燃藜而黼

石潛真悟道之士能伏虎而降龍觀其雲聚香爐慧
明蠟燭大蓮小蓮文曲武曲天馬玉筍之躡蹕丹竈
竈門之起伏流輶晏景森羅象數促息引領吐納雲
霧測深不可幾致遠莫能負何神山之峻美羗元苞
之綜固耶衆賓抖擻而談叱縱橫獨士沉吟而神發
智生蔀屋斗目兮約牖納明雲材交耳兮拔宅上昇
朱干立準兮琪樹流鶯火鈴噴焰兮龍師聽經家據
蓬壺之盛人傳金闕之名疆畛井畫而阜成桑麻櫛
比而敷榮城廓鈎連兮衛護閭閻鱗次兮章平是則
郡縣良史之所宣承也測圭表方奠麗中央風雨時
會江漢之陽沃野大麓符分膺脈黼黻所與弁蓋如
雲蒼生蠕選而得所香軹蟬聯而依輔民近旱麓之
遺兵釋潢池之武禮義經籍之所漸陶慷慨激烈以
爲鼓舞陳麟趾騶虞於二南別民情俗習於九土是
則觀風諸臣之所敷翊也翹首潛邸掩映神京氣吞
雲夢波撼洞庭控南北而混胡越浸乾坤而浴日星
激商羽於陽春之籥占醇和於瑞靈之鵲祥光常擁
銀潢灑氣遙瞻玉峽上應薇垣並三都之壯麗下通

地肺綿兆襪而曠綽緣壕涉洛亂漢抱岳搗洪藻申
景鑠黃道轉度翠華駐方蟠踞雄於天造蒨菑揭於
帝鄉感威靈於鳳翥作物睹於龍飛輿圖協應丹雘
興思是則先皇繼統之所造基也謁羲農於沔陽祖
神禹於大別吳闔之胎楚昭之恤悵吾道於回車坡
弔幽忠於擣衣石陽臺留宋王之悲君山瘞舜妃之
璧酉陽善祠長沙賈宅蜀地偏安昭烈而中興荊州
必分吳魏爲三國不數騷賦之才還高鹿門之節是
則聖賢豪傑之所履歷也秦華鼎峙衡岳中嵩環迴
匝遶臣僕甚恭峨眉匡廬之秀陽明太白之奇崆峒
鬼谷終南武彛勾漏天台隱觀九疑青城五臺金庭
玉屋宮寢佇望金陵仙都遙連勾曲瞬絕西方罽賓
身毒橫絕法界紆蟠其躅儼然王者綴旒於諸侯太
宗統系其羣族此則太和元氣之所聯屬也至於濛
汜崦嵫朱厓鐵勒入我版圖統在疆域辮髮雕題輸
誠效役彛韎兜離罔不化育六合混一而塵清四海
不揚而波澄二都拱放勳重華之主洊席列社稷股
肱之臣四時成序於羲和五星叶光於蒼旻嘉禾擢

秀醴泉薦馨遐荒不驚兮華彞相鏗淳風大同兮彬
彬禮樂然安不忘危大閱以作神武懋昭爰及朔漠
是則聖君詒相參贊乎高博者也轉盼締視心神曠
怡簫籟既寂月來如期已乃返乎圭中蟬蛻以容黃
金綽體照我參同又則探天一生水兮坎起元爲之
宰地六成象兮外週數由於內孰爲鑄劍兮卽慧性
以斬諸魅如水沃焚兮抹撒萬緣之溷穢孰爲龜蛇
兮卽水火之旣濟紅鉛黑汞兮蘊先天之祖炁慨危
途之碌研兮趣功名與富貴胡世人之懵懵兮其腊
毒爲炙膾渺浮雲之過太虛兮悟本來自有量劑實
往來聚散之無常兮曼駟隙儻然流逝况造化者亦
以天地爲逆旅而光陰者總視浮生若過客知黍珠
在吾身之寶兮毀天地而不刊當知吾生塞萬機之
原兮踵元關之一息紀勝概於遊觀表名山之神烈

不可名狀名曰太和之山元武神得道其中改號武當謂非元武不足當此山也山多神宮仙館其大者有三曰五龍紫霄真慶而五龍居其首唐貞觀中均州守姚簡禱雨是山五龍見卽其地建五龍祠宋真宗時陞祠五龍觀賜額曰五龍靈應之觀其後廢於靖康之禍孫真人元政興之又廢於金兀朮之兵皇元受命與天地合德大興老氏之教扶運翼世以迎休祥山之有道之士汪思真奮然特起辟草萊剪菑翳一舉而新之先大宗師上卿張留孫初總攝江淮荆襄道教奏以其山葉希真朝覲天子大信其道至元二十三年詔改其觀爲五龍靈應宮以希真主之居八年而侯道懋繼之又二十年而續道成繼之仁宗皇帝天壽節實與元武神同遂加賜其額曰大五龍靈應萬壽宮仍甲乙住持歲遣使以是日建金籙醮祝釐其山自是累朝歲遇天壽節一如故事此後大建元武殿宜得詞臣文而勒之石以彰國家之美以重此山明年三月二日集賢以聞詔以命臣僖斯臣僖斯竊謂名山大川能出雲雨以澤萬物產財用

以利萬民毓英賢以輔萬世必宅天地之奧當陰陽
之會磅礴融液與大化終始故中必有神出幽入冥
此感彼應如風之在谷所觸皆通水之在地無往不
達况此山葆乎中和統乎陰陽應變合行與神俱藏
羣山四朝而特起乎中央非元武焉足以當之則其
宮室之崇享祀之嚴應國家之運爲生民之依者固
有在矣殿之建元教大宗師臣全節實出私錢萬緡
爲之倡而住山續道成張道真吳明復邵明庚李明
良先後贊而成之其屋壯麗巖峻洞達高廣蓋與茲
山相雄世所稱神仙曰殷長生房長鬚馬明生田蓑
衣之徒皆成道於此是以論人傑必本於地靈也其
辭曰虛危之精元武君上臨元天貴且尊穹龜鼉屬
騰蛇蜿手指北斗酌乾坤武當之上號太和神君居
之降百魔五龍守衛嚴不訶冷氣自少元氣多神君
生在天地先谷神自養天地根二十四炁如環旋七
十二候無頗偏四十二載昇元天元天之樂不可言
身著元衣坐紫府蒼龍在左右白虎朱方翼翼朱鳥
舉騰精躡景我爲主百靈守之誰敢侮或按長劍坐

橫庭吐納日月含風霆五龍冉冉隨降昇倏而去之
若流星忽而來兮雨冥冥鬼車九頭匝火屋山鬼倚
樹惟一足飛蝗蔽天食百穀長蛟鼓浪沈平陸神君
一顧赤爾族神君自居武當山人能學之盡得仙前
有殷房後馬田陳搏尹軌相攀援新開大殿凌紫烟
璿題藻井相鈎連神君居之樂無邊保我聖歷億萬
年

大天一真慶萬壽宮碑

翰林院學

山脈之士

山脈之士曰此碑之文甚奇且其字亦甚大

皇慶元年春三月京師不雨徧走羣望詔武當道士
張守清禱雨而雨明年春不雨禱而雨又禱又雨既
霑既渥仍大有秋兩宮大悅初均房之間有山曰太
和又曰仙室以元武神居之名武當踞地八百里峯
七十有二最高者紫霄之峯峰之最勝者曰南巖崖
前有洞天二曰太安皇崖天顯定極風天上出浮雲
下臨絕澗猿啼鳥嘯豺虎所家人可投足者僅尋丈
許道家言龍漢之年虛危之精降而爲人修道此山
道成乘龍天飛是爲元武之神至唐貞觀益顯天下

尊祀宋理宗時詔道士劉真人住宮南巖不克漢東
異人魯大宥隱居是山草衣菲食四十餘年救災捍
患預知禍福時人神之天兵破襄漢去渡河訪道全
真西絕汧隴北踰陰山至元十二年歸與道士汪真
常等修復五龍紫霄壇宇獨結茅南崖或請作宮庭
曰非爾所及也其人將至矣二十一年秋九月師自
陝西來年三十有一願爲弟子大宥欣然曰吾遲子
久矣卽授道要明年春正月大宥先法師躬執耕耨
墾山鑿谷種粟爲食繼率其徒剪檜翳驅鳥獸通道
東自山趾絞口七十里至紫霄宮五里至南巖崖北
下三十里五龍宮又四十里抵山趾蒿口三月三日
相傳神始降之辰士女會者數萬金帛之施雲委川
赴乃構虛夷峻拔木窮谷刊石窮崖卽巖爲宮廣殿
大庭高堂飛閣庖庫寮次旣嚴且備炫晃丹碧軫轆
雲漢像設端偉鐘鼓壯亮引以石逕蔭以杉松積工
累資巨萬計厯二十餘載乃成墾田數百頃養衆萬
指至大元年今上皇帝儀天興聖慈仁昭懿壽元皇
太后聞師道行遣使命建金籙醮徵赴闕及禱雨輒

應賜宮額天一真慶萬壽宮置提點甲乙住持制加
神父號啟元隆慶天君明真大帝神母號慈寧玉德
天后瓊真上仙賜師號體元妙應太和真人延祐改
元春二月大司徒臣羅原奉皇太后旨命師乘騎奉
香幣還山致祭冬十月集賢大學士臣陳灝請加賜
宮額大天一真慶萬壽宮竊惟聖天子端源清之本
躬垂拱之化父天母地懷柔百神陶我萬類子育羣
姓宵衣旰食可謂至德也已師以雲棲霞舉之侶而
能振道濯德焦心苦志奮樹堂壇以承天庥亦可謂
豪傑之士矣師闔疏果毅方嚴質茂雖大祠祭不待
沐浴更衣所感必應雖身被顯寵如始居山其有道
者耶若神之德廣大混沌變化無方謂列宿所鍾詎
不信然臣鉅夫謹拜首稽首而獻詩曰翼軫之墟均
房間白雲峩峩武當山根盤千里阻且艱七十二峯
羅烟寰帝遣元武驅神姦披髮仗劍衣黧黧穹龜修
蛇猛且閒垂雲而來御風還跂予望之杳莫攀真人
學道鐫堅顏飛上千仞誅榛管幹旋天機啟天關瓊
樓珠宮翠迴環霞披霧映黃金環湛恩大兮帝所頒

神來居之珮珊珊寒松蕭颼水潺湲飛香滿空馥蕙
蘭願神永永哀民艱汎掃穢濁無恫瘝我皇萬歲御
九寰興聖怡愉長朱顏鳳皇起于靈之杳莫攀真入
明臥靈帝靈元符顯赫茲外是也位文顯靈育顯外
武當山在襄陽均州南三舍許盤亘八百餘里上有
七十二峯中有三十六巖二十四澗羣峰擢秀靈氣
攸集是爲嵩岳之儲副荆襄之洞天福地也相傳元
天一氣之神當軒轅氏時震夙淨樂國王家乳於母

之脇左瑞雲垂覆天花飛雨異香滿室年十五辭親
出俗誓斷妖魔匡扶劫運感玉清紫元君授以無極
上道俾之越海夷厯翼軫之下訪登是山擇衆峯中
冲高紫霄而陽者居之當契太和逮昇舉之後五百
歲被黑衣披髮跣足履坎離之真竦根復位鎮極北
方自茲風穴雷洞霄館龍宮神功顯赫靈異非常時
則於紫霄天柱峰蓋勅建宮殿棟梁楹薨集桶闌楯
一不假木悉範銅爲之中設金像興雷吐雲變化不
測以故厯年弗壞特賜觀額曰眞慶曰護國曰聖佑

曰紫極曰靈應者非一唐貞觀中歲苦曠旱詔有司
禱名山武當軍節度使姚簡身詣是山齋禱其夕有
五儒具衣冠者見謁自謂五炁龍君頃之元雲四興
甘澍如注在田之稿遂獲有秋簡具以聞太宗勅於
中山別剏五龍觀以旌靈異緣此名聞天下元天之
神賜以黑蛇裘角之劍斷魔削邪爲國爲民興利除
害民所禱祈者往往於是龍宮獲靈貺焉夫何元季
洊罹兵燹殿宇赭然爲墟會陝成寧邱公元清偕其
徒蒲善淵道漢中抵四川至金州商山求勝地棲息
不可得洪武四年復自襄陽歷均之武當顧瞻徘徊
閔茲福地罹爾厄會首兜拾瓦礫理其故墟師徒苟
得廬就處已卽積精存神修真導和服行清淨承學
大來明年壬子元清規復龍宮其故所稽材陶瓦覆
城貌堅遠近樂施不期歲間宮殿廊廡栖止廬舍次
第一新殿塑聖像其中神將前列鐘鼓在懸考擊以
時羣神百靈有位於廡是使遊者入山如行畫圖樓
觀鸚峙洞戶蠡綴堂庭截然可謂曰完嗟乎自開闢
以來武當有山聖真出世其八十二化宜與天地同

久燬而復隆有吾元清道宮是復元宰是奉胼胝拮据勞勩萬端凡道緣所致將不與是山同垂名不朽也哉洪武辛酉元清以行能被薦拜監察御史賜之室辭明年壬戌超擢太常寺卿其徒蒲善淵則辟爲均州道正善淵來京以公紹開茲山丕闡神貺懇予文壽諸石相是後者善淵及善寧等也

聖德昭應碑記

李衍都御史

天人一理也盡乎人以格天而天昭應之此理之必然也若雖一匹夫之微一言行之善猶能動天地况

父母天地而爲之子者體其塞性其帥而與之合德者乎世傳真武神者卽北方元武之神也神以帝稱蓋天之主宰也天之爲天理與氣而已有是理必有是氣氣有陰陽變合以生五行播於四時造化萬物理實主宰之於是乎有帝之名然五行之主各異其質各居其方各司其時故其行木其方東其時春其色青則其神曰青帝其行火其方南其時夏其色赤則其神曰赤帝其行土其方中央其時四時之季其色黃則其神曰黃帝金行時秋白色其方曰西是爲

白帝水行時冬元色其方曰北是爲元帝帝一而已
兼統五行分居五方流行乎四時變化旣成萬物無
乎不在其居無跡其妙莫測茲帝之所以爲神也然
天包地外而其氣常行乎地之中則其神之靈必常
於其氣之所聚高明秀異之地發焉武當之山周迴
八百餘里峯嶺秀拔中有三十六岩之勝去嵩岳爲
甚近是亦天地之中五行清淑之氣之所鍾蜿蜒扶
輿磅礴而鬱積者則元帝之神恒於是焉著其靈異
亦其理也帝其可以方所求哉故昔之人建祠茲山
以祀之歷代相襲不替我朝太宗文皇帝克慎在位
昭受上帝申命之休卽嚴郊社之禮徧望之儀復於
茲山因往蹟更新神宇以極其崇奉之典宮殿嵯峨
照耀蓋振古所未嘗有也皇上紹承大統爲天地民
物之主懋昭大德盡仁孝誠敬之心肆致道行化洽
邦家輯寧風清俗美遠近悅服聖心欣慰以爲皆自
天之祐惟神之貺也於是思答帝之休益隆崇奉乃
鑄銅爲神像一從神像四供器全皆飾之以黃金承
之以白石簡命近臣太監陳喜左監丞陳道右監丞

林茂祇送到山會同太監韋貴暨藩臬郡邑諸臣僚
迎奉於紫霄宮協心致齋設醮以妥之醮設始於十
一月初七日甲子初八日未刻近宮展旗峯瑞光現
者三南巖宮現者一皆狀如月望而圓紫蓋峯光現
者一狀如錦垂而直色皆五彩及申復有光如上弦
之月現於宮上及玉虛宮之正殿色皆如初現次日
申刻光復疊現於紫霄殿南與西狀與色皆如初而
五老峰玉虛殿西皆有光現狀類五色虹復有元雲
如旌旗狀現於太和宮大頂東天門之上其下有五

色祥光翔擁久之方散至初十日太監陳喜等相率
行祝延聖壽禮畢以其月十五日妥神於宮仰惟聖
德感格帝心煥發祥光層現疊出皆不勝懽忭旣具
實以聞以衍方被命有事荆襄亦嘗快覩其勝謂宜
有言以記垂示無極伏惟天地以生物爲心帝卽天
地之心主宰生成者也其在北方司冬令則其職在
凝固太和以幹造化生長之仁也物終於此復始於
此帝之仁覆萬物其有窮乎皇上祇承於帝所祈者
上延慈壽下昌聖嗣內和家邦外寧海宇以遂萬有

之生成皇上之心亦帝之心也然皇上克體帝之心使奉而安之者弗克仰體皇上之心則澤將壅於下矣何以至民物又安而神罔時怨恫哉今諸中貴臣皆知畏天之靈遵國之度不倚神而慢不倚公而私不倚威而靈可謂克體皇上之心疏導德澤而覃及民物矣此神所以日監在茲歆悅於上故彰其靈異而降祥也歟斯其可記也故謹書以勒而係之以詞詞曰峩峩武當元帝攸宮報祀以典盛始太宗於皇肅穆纘承大統像帝於宮蓋隆崇奉曰帝有神享於克誠洋洋如在瑞光壘呈惟茲臣庶於焉快覩稽首嵩呼紛其屢舞余曰於皇一德格天有感則應效斯昭然臣時被命撫臨勝境祇謁椒庭躬奉其盛嗟惟中貴克廣皇仁民康物阜帝悅神歆勒詞貞珉庸紀其事觀者鑒焉或識予意

帝幸大岳文昌祠碑記

汪道昆

巡撫都御

天官書斗魁戴匡六星曰文昌宮一曰上將二曰次將三曰貴相四曰司命五曰司中六曰司祿祠家則

以其降神於蜀率象神而祠之尊北極者主元君尸
祝之義均也大岳專祠北極百神附焉顧文昌迄今
不祠不佞嘗言之柳使君所使君謝曰昔在司禮先
帝幸以文昌像賜朝朝至於今奧事之毋敢失墜先
帝崇祀大岳不啻介邱今上幸而使朝奉璽書主祠
事方懼無以稱上任使倍先帝恩乃今依北極祠文
昌且尊君賜禮也於是相與經始得隙地於三公峯
之陽東距天門可當斗口甃石高若干尺爲堂廣若
于筵堂外層軒待乞靈者夫北斗定四時繫八極而

文昌用事則文武爵祿之司其命曰文右文事也我
二祖用武定天下以文守之當時若劉文成以下諸
臣庶幾名世孝宗守文繼治王文成乃在公車關中
洛下並鳴文始興矣世宗操禮樂爲治天下文明在
事之臣各用其職諸尚書郎奮起若駕八駿而馳崑
崙何翩翩也今天子聖明無改先帝之舊闕儒秉國
壯士盈廷海內名家罔有遺佚以故文德四洽遠人
來歸得全全昌此其時也禮時爲大祠不亦宜乎使
君故嘗主藏書以知禮顯是役也則天象協地宜興

人文尊主德於禮合矣故使君決策從之其經費悉
取諸舍中筦庫之士無所預會藩大夫李君以部署
至計日而祠成楚人祠故有歌祖迎皆用此大嶽在
楚請為神楚歌歌曰列幽宗今天閭疏文石今華堂
躡瑶光兮當戶帥三公兮鴈行靈之來兮雍雍乘歆
玉兮雲中臣聖哲兮為役黜口耳兮鴻濛履達遊兮
璆鏘升天衢兮張皇導羣賢兮先路熾明德兮無疆
釋余駮兮閭風緩余佩兮離宮覲昌暉兮當世歷千
祀兮升中 隆慶五年

武當山勅賜冲虛庵元帝祠古銅碑

劉正廉 翰林侍講

姑蘇人

元帝祠殆遍天下於武當最重明永樂定大統帝實
陰佑之即禮絕百神亦宜五帝五肖龜蛇北肖也豈
其帝山海經云大荒中有聖人焉足履龜蛇北帝於
傳曰亥矩或曰協光紀莫能詳之而或以為帝嘗行
道此山中其說多類佛書嘻神彰山哉山彰神哉東
漢來多隱士自謝羅仙後云往往有之近世則有張

三丰者上召之竟不至復使尚書胡公持手詔求之
終不得仙風高蹈有如是者諸仙經論予嘗徧觀其
梗概大約作用不離水火龜蛇金木龍虎水火南北
在人爲精神在卦爲坎離以離南之火鍊坎北之水
水土火下旣濟之義也金木東西在內爲魂魄在外
爲性情情來歸性故稱還丹正吾儒之復初釋氏見
性之義也羣仙咸祖老子老子之書亟稱於水與仲
尼同如來亦指恒河水以喻見性三教之旨殊途同
歸元矣深矣嘗竊言之夫水納而不汙類戒者險行

不失其平類定者澤萬物而已無所愛類善施者盈
科後行混溷不舍晝夜類精進者處衆所卑而不辭
類忍辱者外暗內明不鑑物而以之爲鑒類智慧者
故聖人咸稱之以爲似道蓋五行各以其德帝德之
盛宜莫水若已今祠官事元帝最謹故武當稱大嶽
巍然爲五嶽長豈偶然哉豈偶然哉吾往好養生家
言從友人楊尚璽補亭氏獲見異叟聞丹訣然疑道
不盡於此深求之易乃若有會以會於道德經及西
方書間語補亭欲謁告遊嵩少登東岱至於絕巔而

還庶幾哉廣吾之陋補亭謂予曰有相識者李太監
逮事世廟以爲自嘉靖至今宇內有警輒往時國有
大慶率歸之神庥幸得從祠官後敬竭平生所有範
銅爲碑勒於山以彰之亦藉手以報國家之萬一今
夫怙勢鑿空妄積妄散而無毛髮於公家者皆是也
若李太監者豈易得哉其僚羅公皆甘澹漠遠世利
而尚清虛勤道術假令遇人不若欒巴也者願子爲
一言予不得辭乃爲是說貽之使先於山靈異日入
山幸毋以予爲生客李公名至惠號仁野萬曆二十

八年庚子秋月

皇清

興復武當碑

劉執中

推官
襄陽

天生偉人爲一代神人之依秉旄鉞爲當守長城
之寄獨當一方不但據其要土抑先爲神護其靈
山亦古時巡而首云亭封玉哀對而先懷百神之
遺意也壬辰歲無端烽火遙自千山中突來房縣
備猖獗之態大岳八百里罄斷人烟竟爲蹂躪場

矣焚修道衆百存其一焉
宸慮難其人人皆難其任久之僉謀獲同乃命胡公
開府鄖襄節制三省以任濯征公下車卽披圖咨
訊復慨然曰大岳香火開皇啟圖奕世欽崇祚國
靈長治世福神海隅之衆莫不辦香而朝謁倘不
汲汲於此山靈恫焉况爲鄖襄咽喉在所必爭乎
於是簡將於乙未歲春王正月投鞭斷漢頃復太
和恩覃道砥無不仰賴四方朝謁者依然不絕如
縷而房縣之刀劍化爲牛犢可跂待也較古封玉

帝懷柔何多讓哉昔晉羊公鎮襄陽好遊峴山後思
之者見峴山卽隳淚今碑存焉大嶽名山也豈特
白峴山已哉敢不覲縷數言以爲奕世墮淚之一借
與

飛昇臺禁止捨身碑文
蔡毓榮 川湖部院

南巖飛昇臺者真武上帝飛昇處也世俗訛稱爲捨
身崖山中道人傳習其訛又從而神其說愚夫愚婦
誤於其名或以迷惑之見或以一朝之忿輕生隕命
莫之拯救夫天下名山絕頂不可勝數緇黃之徒因

其危峻往往皆以捨身目之沿襲妄謬眩惑流俗不獨南巖也惟南岩以飛昇之所亦受不經之名遂使瑤闕瓊臺血肉狼籍瀆嫚上真陷阱愚昧肇斯名者不仁甚矣世人不悟相率從之生爲下愚之民沒爲枉死之鬼必其宿業所招墮此現前地獄上帝垂慈寧無悲憫今不立禁傷生必多故考訂圖經正其名曰飛昇臺學道之士棲心世外滅景寰中名列紫府冲舉將至登斯臺也於以驂駕鸞鶴翱翔雲霞斯上帝之宏願也若其功行未滿猶當望岫息心而况五濁之愚頑何可捐彼葦穢仰滓山岩哉自今以後不得復稱捨身崖本宮住持暨諸衆道隨時曉誡永遠禁止如有違犯有司治以見死不救之罪其遵勿忽

南巖禁止龍頭香碑

蔡毓榮

川湖
部院

南巖之下倚崖立殿以祀靈神不知何時鑿石爲龍首置香爐於前下臨絕壑憑高俯瞰神悚股栗焚香者一失足則身命隨隕此俗庸妄人所爲非上帝慈惠羣生之意也今徙爐殿內以便焚香者使知孝子不登高不臨深之義立石檐前永杜小人行險徼倖

之路本宮住持暨諸道衆隨時勸誡毋蹈前轍其遵
行勿忽之意也今卦靈顯內以焚香者身感其

旨母香靈於前不謂靈神高掛如軒如鼎焚香
南嶽之下尚靈立賜以靈靈軒不映神和靈石為靈

南嶽禁山請靈香

蔡梅榮

崇上誠信靈於前不謂靈神高掛如軒如鼎焚香

會序福早古華六民不雨至於三月天子必為慶是

元氣百國國靈於前不謂靈神高掛如軒如鼎焚香

易曰天一生水地六成之天一者數之始也水者萬

物成形之始也生數奇成數偶於位為北方北者背

也北方象人背故北極出天最高又北之為文從人

相背陽至冬至而止又自冬至而復生於卦為坎水

之為文象形為坎卦東西分流於乾坤之四德曰貞

貞者正固也二儀在天斗牛女虛危室壁七宿列於

趙孟頫集賢學士

易曰天一生水地六成之天一者數之始也水者萬

北方成形爲元武元武者龜蛇青龍白虎朱雀皆一
物元武獨二物不謂之龜蛇而謂之元武者元之爲
色赤而黑龜蛇則皆有鱗甲武之象也元武之神始
於宋真宗時爲祠徧天下皇元之興實始於北方北
方之氣將王故北方之神先降事爲之兆天旣告之
矣武當山在西南方巍然高且大元武神依焉黑衣
披髮仗劍踐龜蛇人往見之至今常然天一真慶宮
主張君洞困篤於信道強立不撓皇太后聞而召之
會京師旱去年九月不雨至於三月天子以爲憂皇
太后使人持香從張君禱焉先雨張君爲之日時已
而果然雨數日乃止遠近皆霑足皇太后厚賜之盡
散與其衆不以一錢私已其行若是真所謂絕無而
僅有者哉是宜神之相之也張君持所刊嘉慶圖徽
余爲敘余爲誦所聞而書之

嘉慶圖序

虞集 學士

天之高不可知也日月星辰之象吾得而觀焉地之
厚不可度也山川草木之形吾得而察焉神之妙不
可測也變化應感之跡吾得而擬議焉是道也洞困

張先生其知之其作元武嘉慶圖是已其言曰武當
之爲山也七十有二峯皆奇偉怪絕而所謂紫霄峰
者又七十二峯之中峰也然則其能出雲雨見靈怪
也固宜矣又曰其帝而神之者曰元武元武者在天
爲虛危之宿在地托龜蛇之靈於五行爲水於五色
爲元而其數則一也夫一之爲一也離數而言之則
一固造化之所由分卽數而言之則一固十百千萬
之所由起也然則其寓天地之中而行乎天之一非
天下之所謂至神者與洞困曰自是而上吾不可以
言喻也自是而下吾猶得以跡言之於是與其徒唐
中一劉中和取其瑰異顯著者圖而傳之將使天下
觀者動心駭目必有以啟夫警畏感慕之意焉予從
元教大宗師嗣宗師知洞困之有功於武當也曰洞
困在武當攻苦食力二十有餘年梯危架險經營締
構作宮室以奉香火夫以窮山幽谷比壯麗於通都
大邑則洞困規畫運量其可以淺淺窺哉其佐而成
之者同棲巖穴之士也會予弟佐邑在武當爲近故
得詳言之

明

大嶽太和山志序

王繼洛副使

大嶽距均州百里許古爲豫雍之域實惟元武之神當之成祖文皇帝起自燕邸入正大統惟神陰佑靈蹟丕著用是大啟宮宇以答其貺而武當之勝遂甲於天下洛少卽聞之無從一寓遊以慰仰止之想也嘉靖壬子承乏晉臬側聞我皇上法祖敬天屢感元應特遣大臣重事修葺維時海內臣民益加仰慕而洛願見之心尤切未幾拜命來督茲山歷太行經唐

鄧注望天表峻拔特立旣而踰光穀入均陽祇詣極頂則奇秀爭勝動目駭心而神宮仙館之厝置俱有非人力之能構者洛乃竊嘆曰猗歟盛哉其天造地設者與詩曰天作高山太王荒之彼作矣文王康之惟斯之謂與乃觀舊志則有未備焉者因語提督王公佐曰聖皇聿新此山公實効有勞焉顧於志也獨可諉乎公曰茲佐責也業已有成帙矣因取而讀之綱提要舉爲卷若干卷志宮觀之勝則圖可攷也志元聖之跡則紀可考也志御製諸文而褒錫之禮著

志創修諸勅而崇奉之典彰闡列聖垂眷之休則像
器征差有志山塲香幣有志昭守臣提督之責則內
臣之勅有志藩臣之勅有志以至上供之志示惟正
之義欽賜之志明特異之恩而仙真之蹟禎祥之應
靈物之產職官詩賦之類諸凡因山而有者亦各以
次附焉詳而悉簡而覈質而不俚而我成祖今上修
建之功烈與天地同其悠久者猶章章明甚嗚呼公
之用心其亦可謂勤矣而不足以傳乎且今天下海
隅蒼生孰不知有是山也雖朝謁而來者月無虛日
而未得其勝者尚多也今而後凡有知者卽按卷可
悉而亦弗苦於聞見之不侔矣公之功不其偉歟抑
公之被簡於茲也十有八載其久也蓋前此之未有
者良由敬事之心有以上徹於宸衷故聖恩之所以
寵顧之者日厚是舉也雖不足以盡公之忠勤而其
體國之忱於此可以徵其概矣洛也固亦有事於斯
者也因敬爲公序之

皇清神宗二十六年歲次甲寅命奉

太和山志序

王新命
巡撫湖廣

皇帝御極之十有九載庚申歲新命奉

勅諭來撫楚北維時寇氛未靖三戶弗寧徵芻輓粟

嚴綸駐江陵料理軍實逾年滇黔底定武功告成繼

而班師絡繹近且禁旅南駐予往來郢鄂遙指

太和山在封內相去千里無緣登謁茲均州王守

志以山志請序於予予惟寰宇名山五嶽最著望秩

而之典紀於虞書而禹貢載高山大川敷奠具詳迨

郭景純山海經搜采亦悉乃茲山之名獨不概見

直至唐宋元明之代因真武帝君而山始名何蘊

之久而顯之遲歟說者謂非真武不足以當斯山

故山以武名夫以真武之神靈何不顯於秦皇漢

武封禪之朝應黃龍寶鼎之符瑞躋七十二家之

盛必遲之又久而赫奕立時者何也予觀道家書

所言先天始炁太極別體則帝君之神早已降真

運化於皇黃之間而茲山自開闢以來亦早已卓

峙於宇宙太和傳道之語適爲帝君與茲山作合

序

耳况真武位居乎坎正北方之卦也茲山在翼軫
角亢之下盤旋乾兌之位神則負坎抱離憑依於
此殆居天地之中宣水火既濟之用以契太和以
祐民物視五嶽之各鎮一方者其功尤普積之厚
而被之遠大岳之名固不爽也詎如黃龍寶鼎之
侈符瑞於一時者哉然則烏容無志楊叅議王州
守一以關西名宿一以臨川才筆力任斯舉苦心
纂輯山靈面目星纏度數殿宇人物瞭如指掌卽
無緣登謁者展閱一過恍如覩七十二峯三十六

巖之勝矣圖志是篇於目驗而所觀良詳歎息
今天子文教覃敷蒐羅天下遺書金匱石渠炳炳烺
烺在廷諸臣纂修

國朝會典檄取各省通志楚爲郡一十有五爲州一
十有六爲縣一百有七南北協修通志一書三長
未備一時未易猝成均州僻處一隅而茲山之志
哀然成集且成於軍供執掌之餘夫非山靈有以
感召之耶而予更有進者楚民疲敝之後水旱頻
仍人事固當修舉尤藉大嶽之靈發太和之氣驅

疵癘而名禎祥俾民和年豐太史疊書大有更所
禱祀而求者也因序志而並及之康熙二十二年

夏大嶽太和山志序

楊素蘊

分守
荆南

未識道

讀未及終大嶽山志一閱而感其志

太和山志傳名山也名山何以志傳徵以文也蓋
遊山者以趾而耳次之書之所紀弗耳若廼較真
焉絕巘名巒踵能窮其態狀然向平婚嫁難驟畢
也相與聞騷人遊客歷歷道其概能不心鄉往而
識之若披圖考異豁然目覩而形遇則身焉棲息

徘徊其間矣遊覽之資於書也不書不徵不徵不
傳也太和山傳焉久矣宜無志然傳太和者以鐵
杵以榭梅不則金宮闕巍然天柱頭也規均州而
半之修鑿爭天地巧燦麗不下帝者居矣今語人
曰山之勝合泰華衡嵩恒而六之其誰信夫天下
奇太和者以山水勝而山水之奇獨不傳卽知奇
太和山水矣而至止者罕酈道元註旣弗詳劉洞
陽事跡編缺焉又未備也於是太和之勝若蓬瀛
方丈且以爲容或有之也予性癖山水歷天下名

山之半考各山水記則幾乎盡矣太和之遊久從
王弇洲記中及庚申歲自鄖返遊虔禮帝閭廼嘆
志之弗可已也詢有志始自宣德三年修者至再
增修者則鄖博萬君甲明經李子紹賢也爲書二
十四卷備矣惜也詳畧不之審文之不章未能出
名山真面目也峯七十有二巖三十有六澗二十
有四志之志如此而已矣極刻畫狀其所爲高峭
險澁驚人者使人從紙上目泉飛崖懸不啻足履
而手指顧之傳矣顧僅列其所名所在如繪事家
安頓耳目口鼻數寸面皮間不於阿堵中着意峰
如天柱香爐亦曾不置辨獨於秋官封詔祭告加
詳焉萬君自嗟無凌雲之筆作詩歌而昭耀之殆
謂此歟然斯編也景物可遠想而知而所爲高峭
險澁者又散見於各公諸君子藝文內名以紀之
圖以考之時代以上下之書有文文有徵徵斯傳
矣故曰傳名山也爰命均刺史王君民皞廣文盧
君維茲授之梓告之曰山之志與州郡志異峰巖
宮觀各自爲圖圖以真毋圖以似吳道子蜀山王

摩詰輞川蓋以畫傳焉且亦顧其人為何如耳柳

州鈷鉏東坡石鐘彼且以人傳斯役也苟有其人

將山以志傳志更以人傳康熙二十年

圖以表之相外以土可之

劍嶽峯又婿貝然各合體

巖地地勢險峻也景勝可

籍言高峻自美無憂

峻大井香巖亦會不置

交則其目有異

跋

皇清

大嶽太和山志總跋

王民皞

均州知州

聞之朱靈西鑿玉歷雷布於中天紫炁青臨金匱

雲垂於震旦在無象無形之內居太初太易之前

二神聳肩以俱來三氣氤氳而互結太和之峯適

峻天一之帝由崇匪僅掩悉達王舍之城早已啟

廣成崆峒之室歷世二百三十餘代留丹竈之清

虛閱歲四千五百餘年開羽仙之奧窅畫乾坤於

北戶握陰陽於南交法界宏開義天宣朗文之是

亟誌乃攸宜悼蠹簡之叢殘布覃懷之杼軸第非

托於上憲光開萬丈鮮不為熠燿之燎山且不資

以鉅公力振千鈞亦祇同蚍蜉之撼樹於是引芒

針於磁石類喜相求因之扣石鼓以桐魚理須遥

應如天文象緯璇璣之軌同鑣星野地勢規恢繡壤

之牙互錯圖考閱世愈遠烜赫彌彰隱顯攬勝蒸懸高

深備著山水稟地靈而開造化說法現身聖紀侈金碧

而麗莊嚴垂裳出治宮殿全真致潔上擬紫微之居

庵孚禴謹齋永滌血骨之薦祀典允矣紺雪元霜之

窟宅仙真展也赤明丹蕊之奇觀靈異紛茂對之隱淪

物產徵瑤鴻於象外古蹟鳥雲分職日旦而曰明禮鳳

篆呈文有嚴而有翼神謨彤廷黼繡俎豆為光御製牙

軸縹緗鼓吹聿盛藝文凡皆吸水而擇乳用是披衣

而得珠筆騰墨飛不啻宏壁琬琰花駢葉麗上媿

彛玉河圖云挽劫灰全資帝力條次其篇目撈漉

諸家洸汰其繁芴囊括羣有在當年掇拾之長物

咸可入爐冶而成丹即昔人組織之餘材茲且施

彩色而作服七百九十篇星緯銜飛於帙裏二十
四萬字雷風噴薄於行間夫乃知景慶停空太和
為元始太元涌現之地益以徵花鬘徧覆武當為
天龍神鬼擁護之區爾
其首如木而料其風是淋
其體如石而料其氣是凝
其聲如雷而料其威是震
其光如日而料其明是耀
其德如海而料其廣是濶
其功如地而料其厚是載
其行如風而料其疾是馳
其志如天而料其高是遠
其心如玉而料其潔是清
其性如金而料其剛是堅
其氣如蘭而料其香是馥
其貌如松而料其直是挺
其骨如竹而料其節是貞
其聲如磬而料其清是越
其行如鶴而料其閑是逸
其志如松而料其高是遠
其心如玉而料其潔是清
其性如金而料其剛是堅
其氣如蘭而料其香是馥
其貌如松而料其直是挺
其骨如竹而料其節是貞
其聲如磬而料其清是越
其行如鶴而料其閑是逸

贊

元

真武像贊

虞集

真武像吳興趙公子昂寫其夢中所見者而上清羽
士方壺子之所臨也 吳興趙公前代公族神明氣
清靜處真獨乃夢天人披髮跣足元衣寶劍坐臨巖
谷再拜稽首仰視退伏念昔敬事存思莊肅致意接
對光輝心目如聞教言嘉子誠篤爾善繪事追步顧
陸凡吾真儀子善記錄審而傳之與世瞻矚傍有介

士玉版金籙曰帝告汝錫爾榮祿冉冉而升夢亦遂
覺明月在戶香彩徧屋取火亟寫神運掌握毫分無
失三十其幅丹青既成齋戒韞匱有堂授受先事穆
卜而其秘夢初不以告晚有相師泄其元躅人始得
傳錦標鈿軸方壺仙人潔以薰沐臨池擬容誠比元
玉有得之者昭事毋瀆上帝臨汝介以景福

贊真武

湘王

皇皇上帝一氣分形虛危鍾秀坎離孕精助高衆聖

德輔九清小臣凡昧罔敢為名

贊趙元帥

胚暉梵炁挺性自然稟金精乎孕秀正水德以通元
樞機造化威震八埏尋聲赴感如意慈憐恩霑品彙
靈變三天振宗風於永劫闡教法於萬年

靈變三天朕宗風林木陸闡赫赫於萬年

蘇蘇豈介淑象八英聖教法灑於意慈樹思雪品靈

凱凱黃燕

贊賦

齋齋六音小和國文

楚銘 華大夫風音一動風外動實歸那不惑率由其

元 年 音 五 音 三 音 三 音 皇 帝 音 之 音 異 部 專 因 苑 不

百 文 銅 像 銘 劉 辰 翁

天地仙水中鉛範合堅凌風烟生青蓮劍蜿壇按大

千龜蛇纏劫運遷飛乾乾元元天萬萬年

明 顯 南 濟 山 難 合 流 會 於 二 派 輻 勝 有 遊 野 師 徒 案

太 和 山 銘 黃 聖 前 學 八 於 嵩 少 及 汪 道 昆 都 巡 撫 御

鑄 宮 誰 使 繁 苦 繁 皇 太 味 華 泉 金 燧 千 四 以 象 公 刺

赫赫成祖張皇聖武中外以寧左右六師元君陟降

抗我皇稜大報神休敬修祠事帝時用興疆理隩區
離宮錯起粲若繁星太和崔嵬金城千仞以象勾陳
厥有神臯冠以黃屋俯擊八紘嵩少及肩參居二華
雄視南衡江漢分流會於二別神物有徵禔福邦家
鞅橐不試民物孔殷肇祀迄今莫不祇敬崇事明禋
亦越世宗穆穆元德通於神明申命司空有事吉土
百度維新費出上方鳩工程物勿以罷民在宥寰區
四十有五載治定功成皇帝承之翼翼昭事罔或不
欽三事大夫咸有一德夙夜惟寅嗣服不愆率由其
舊至治烝烝百粵三苗駢首伏質境內皆平威行海
甸名王稽顙款塞稱臣凡厥有生舉首內嚮天子之
勲介福宣威保茲天子維岳效靈自古七十二家登
封有跡猶侈令名煌煌我明世修鴻業振古莫京不
佞守臣敬共方祀三謁帝闈徼惠文昌用章盛美播
於無垠

大無射
對定月婚共太陳三
陸亦和辭
萬年
明而萬月
文月
明而萬月
文月
明而萬月
文月

祈豐年祭文

吳廷舉 都御史

與造物遊必其視天下如敝屣者也享萬世祀必其
出斯民於水火者也惟神棄王位而不居試諸難而
不變戮羣妖而不懼度世教而不迷功滿道成天行
雲臥受天明命坐鎮名山袞冕圭璋不生不滅星辰
雷電倏顯倏藏相我太宗功烈猶偉紫霄天柱崇高
踰五岳之尊金殿琳宮華麗極百王之奉永惟翼軫

之下地屬荆湖是以桑梓之邦仰如父母水旱必禱
疾痛必呼趨者如川應之如響邇來連歲洪潦爲殃
麥穀失收室家漂蕩廷舉欽承上命賑濟一方謂府
庫有限錢糧僅續飢民之命憫青黃不接時月豈勝
餓莩之多羣心所欲者五日一風十日一雨衆情所
憂者夏月大水秋月亢陽廷舉跽進瓣香爲民祈禱
伏願體天行化旋乾轉坤使四時和而品彙亨五穀
熟而萬民足非但廷舉免瘵官惰事之罰而神亦不
顯憂民助國之靈若今歲再遭水旱虫蝗而楚人必

爲魚鱉鬼蜮諒非神所忍見抑豈廷舉之所忍言哉

祈雨文

王世貞都御史

都御史無似天子命領鄖節其荆襄漢南之山川土
地人民今旱自五月至六月矣禾黍之地高者蠓螺
而卑者沮洳日夜恃雨以爲命而不能希涓滴之賜
今土尺拆而膏寸涸木下萎而末上焦其父老子弟
食寢之不遑以爲歲憂夫天下稱名山者無踰大嶽
而稱名江者無踰漢其神當最靈而又尊貴卽子弟
父老之所循循以爲媚事者亦無如神神不當坐視

其困也且天子方齋明其德以奉上帝惠鮮下民百
執事精白一心恪共乃司神罔時恫卽都御史之不
蔽職而神督過之亦不當以移於民也都御史今貶
車服減騶從從事壇壝而欲與神約其惠我甘霖三
日以起焦枯當從父老子弟百拜稽首以謝神之大
貺而光昭其盛德抑語云天災流行國家代有意者
神乃不能得之歲耶都御史無似尚能以五都吏民
請命天子而神不能以五都吏民請命上帝者未之
有也

謝雨文

王世貞

都御史

嗚呼二五之靈其用爲神神佐上帝以宰生民帝有
至仁神實撰之凡茲滂沱疇非民命茲有長羸旣爲
厲首如炎如焚爍石焦畝單辭朝聞夕奏緦緡江漢
立波蓼嶺蒸雲龜者爲合朽者爲腴仆者爲起卷者
爲舒雨之驟來其滴瀝瀝匪雨之滴實生民食雨之
將收其絲霏霏匪雨之絲實生民衣貞實無良六事
何飭爰借神休脫我於責諸二千石黃墨綬吏敢不
滌心以承神賜田峻里父率其子女崩角厥首式歌

且舞人亦有言欲而不貪貞有百城神澤所覃勉勉
我皇祇恭惠矜毋使雲漢流歌中興黃星為文效不
皇清

謝雨文

王民皞

均州知州

天心仁愛恒篤意於栽培帝德含宏每垂恩於施
濟茲者辛酉仲夏亢旱為殃爰從甲子良辰虔誠
致禱持咒誦經尚未浹旬早已蒙澤嚴威用霽雲
已出於山川美利不言章復合於雷電由辛未以
迄癸酉大沛甘霖自腴壤而建荒阡遍資膏澤涸
土涵潤槁植立興民命於焉可延

國賦於此咸賴明農克慰下吏騰懽謹抒微忱恭申
謝悃統冀仁慈俯垂昭格

其人亦有言欲而不貪其有百城廉潔所

其立於世也其德也其德也其德也其德也

其德也其德也其德也其德也其德也其德也

其德也其德也其德也其德也其德也其德也

其德也其德也其德也其德也其德也其德也

其德也其德也其德也其德也其德也其德也

其德也其德也其德也其德也其德也其德也

其德也其德也其德也其德也其德也其德也

其德也其德也其德也其德也其德也其德也



